

REGLUGERÐ

46

21. jan.

um róðrartíma fiskibáta við Faxaflóa.

I. KAFLI

Útgerðarsvæði fiskibátanna.

1. gr.

Reglugerð þessi gildir fyrir Miðnes-, Keflavíkur-, Njarðvíkur- og Vatnsleysustrandarhreppa í Gullbringusýslu, Hafnarfjörð, Reykjavík og Akranes, og nær til allra fiskibáta, sem stunda veiðar með línu, á tímabilinu frá 1. janúar til 31. maí.

II. KAFLI

Róðrartími fiskibáta í Sandgerði.

2. gr.

Á tímabili því, sem um ræðir í 1. gr., má enginn bátur, er gengur til fiskveiða með línu frá Sandgerði, fara út úr Sandgerðishöfn í fiskiróður frá kl. 12 á hádegis til þess tíma, er hér segir:

Í janúar	kl. 02,00
Í febrúar	— 01,00
Í marz	— 24,00
Frá 1. apríl til 15. apríl	— 23,00
Frá 16. apríl til 30. apríl	— 22,00
Í maí	— 21,00

Takmörk Sandgerðishafnar teljast að vestan: grænu innsiglingaljósin á höfninni og að norðan hvíta ljósið á Sandgerðisvita. Þegar hinn tilsetti tími er kominn, verður gefið ljósmerki í landi.

III. KAFLI

Róðrartími fiskibáta úr Keflavíkur-, Njarðvíkur- og Vatnsleysustrandarhreppum í Gullbringusýslu, Hafnarfirði, Reykjavík og Akranesi á mið í Suðurflóa og Grindavíkursjó. Suðurflói er sunnan línu, sem hugsast dregin 310° réttvísandi eina sjómílu (enska) frá burtfararstað báta, sem um getur í 3. grein.

3. gr.

Á tímabili því, sem um ræðir í 1. gr., má enginn bátur frá Keflavík, Njarðvíkum, Vatnsleysuströnd, Hafnarfirði, Reykjavík eða Akranesi fara í fiskiróður frá kl. 12 á hádegis til þess tíma, er hér segir:

Í janúar	kl. 01,43
Í febrúar	— 00,43
Í marz	— 23,43
Frá 1. til 15. apríl	— 22,43
Frá 16. til 30. apríl	— 21,43
Í maí	— 20,43

Brottfararstaður báta þeirra, sem hér um ræðir, skal vera við línu, er hugsast dregin $N 15^\circ A$ frá Gerðahólma, og merkt er með tveimur rauðum ljósum í landi. Þegar hinn tilsetti tími er kominn, verður gefið ljósmerki í landi.

46

IV. KAFLI

21. jan. Róðrartími fiskibáta frá Akranesi, Reykjavík og Hafnarfirði á fiskimið í Norðurflóa. Norðurflói er norðan línu, sem hugsast dregin 310° réttvísandi, eina sjómílu (enska) frá brottfararstað báta, sem um getur í 3. gr.

4. gr.

Á tímabilinu frá 1. janúar til 31. maí, að báðum dögum meðtöldum, má enginn bátur, sem gengur til veiða frá Akranesi, Reykjavík og Hafnarfirði fara í fiskiróður frá kl. 12 á hádegis til þess tíma, er hér segir:

Í janúar	kl. 00,43
Í febrúar	— 23,43
Í marz	— 22,43
Frá 1. til 15. apríl	— 21,43
Frá 16. til 30. apríl	— 20,43
Í maí	— 19,43

Brottfararstaður báta þeirra, sem hér um ræðir, skal vera við línu, er hugsast dregin milli ljósdufla nr. 9 og nr. 10, sem lögð hafa verið sem hér segir:

Ljósdufl nr. 9: $64^\circ 14,5'$ n.br.

$22^\circ 18,1'$ v.lg.

Ljósseinkenni: Hvítur þrí-blossi á 25 sek. bili.

Ljósdufl nr. 10: $64^\circ 15,7'$ n.br.

$22^\circ 15,8'$ v.lg.

Ljósseinkenni: Hvítur blossi á 6 sek. bili.

V. KAFLI

Almenn ákvæði.

5. gr.

Allar tímaákvæðanir í reglugerð þessari miðast við íslenskan meðaltíma.

6. gr.

Hlutaðeigandi hreppsnefndir eða bæjarstjórnir kjósa þrjá eða fimm bátaformenn ár hvert í nefnd til þess að gæta þess, að fylgt sé ákvæðum reglugerðar þessarar, og annast nefndarmenn um að fyrirskipuð merki um róðrartíma séu gefin, sbr. þó 7. gr., og kæra fyrir brot á reglugerðinni til lögreglustjóra.

7. gr.

Akurnesingar skulu gefa brottfararmerki í Norðurflóa.

8. gr.

Ákvæði reglugerðar þessarar ná ekki til útilegubáta.

9. gr.

Brot gegn ákvæðum reglugerðar þessarar varða sektum frá kr. 500.00 til kr. 5000.00. Þriðja brot varðar missi réttinda til skipstjórnar í 6 mánuði. Mál út af brotum skulu sæta meðferð opinberra mála.

10. gr.

Reglugerð þessi öðlast gildi þegar í stað.

Reglugerð þessi staðfestist hér með samkvæmt lögum nr. 1 12. janúar 1945, um róðrartíma fiskibáta. Jafnframt er úr gildi felld reglugerð nr. 4 7. janúar 1946, um róðrartíma fiskibáta við Faxaflóa, og önnur fyrirmæli, er fara kunna í bága við ákvæði þessarar reglugerðar.

Atvinnumálaráðuneytið, 21. janúar 1947.

Áki Jakobsson.

Páll Pálmason.

GJALDSKRÁ

Rafveitu Hafnarfjarðar.

I. RAFORKA

Rafveita Hafnarfjarðar selur raforku á þann hátt og við því verði, sem hér segir:

A. Lýsing.

Þar, sem orkan er aðallega notuð til lýsingar, skal hún seld:

1. Um kwst.-mæli á 1 krónu hver kwst.
2. Um hemilmæli á 120 kr. hvert árshektowatt (hw) og skal hemilstillingin ávallt standa á heilu hw. Umframnotkun skal hér seld á 1 kr. hver kwst.
3. Um kwst.-mæli á 30 aura hver kwst., auk fastagjalds, er nemi 5 kr. á ári af hverjum fermetra (m^2) gólfplatá, er lýsa skal. Þar sem gólfpletir eru tiltölulega stórir, miðað við ljósmagn, er heimilt að veita afslátt á fastagjaldi, samkv. reglum, er rafveitustjórn setur.

B. Rafmagn til almennrar heimilisnotkunar.

1. Um einn kwst.-mæli á 20 aura hver kwst. af fyrstu notkun, er nemi:

60 kwst. á m^2 á ári af fyrstu 25 m^2 gólfplatá.	
40 ————— næstu 25 — —	
20 ————— — 25 — —	

Notkun umfram þetta greiðist með 12 aurum hver kwst.

Notandi greiði hér fast gjald, er nemi kr. 3.60 á ári á hvern fermetra íbúðarinnar.

Miða skal við gólfplöt allrar íbúðarinnar, sem telst herbergi, sem ætluð eru til íbúðar, og eldhús.

Heimilt er að takmarka ákvæði gjaldliðs þessa þannig, að gólfplötur heimilis reiknist eigi yfir 25 m^2 á hvern mann á heimilinu. Þó skal til þess koma leyfi rafveitustjórnar í hvert sinn.

2. Um einn kwst.-mæli á 20 aura hver kwst. af fyrstu notkun er nemi:

Í íbúð, sem er 1 herbergi og eldhús, 1200 kwst. á ári.

— 2 —	1500 —
— 3 —	1800 —
— 4 —	2000 —
— 5 —	2200 —
— 6 —	2300 —
— 7 —	2400 —